

SámiSostera Mokta-prošeakta Vuohčus ii ožžon ruđa RAY:s

SámiSoster searvi lei ohcan almmolaš doarjaga 285 000 euro ja oaččui 208 000 euro. Almmolaš doarjaga lassin ruhtadeami ožžo Muittohallat-, Buorre boahhteáigi- , Birgen ruovttus- ja Goaikkanas-prošeavttat sihke bargguhis nuoraid bálkkáheapmi searvvi oktasaččat ávkkálaš bargguide, muhto guokte prošeavtta báhce ruhtádeami haga.



SámiSoster-searvi lei ohcan RAY:s almmolaš doarjaga 285 000 euro ja oaččui 208 000 euro.
Govva: www.samisoster.fi

SámiSoster ja RAY 2015

Oktiibuot evttohuvvon 597 000 euro:

Almmolaš veahkeruhta

Ohcamuš: 285 000 euro, juolluduvvui: 208 000 euro

Muittohallat

Ohcamuš: 160 000 euro, juolluduvvui: 117 000 euro

Goaikkanas – Sámi vugiin fámuid gárrenavnnasbargui

Ohcamuš: 156 000 euro, juolluduvvui: 92 000 euro

Birgen ruovttus

Ohcamuš: 161 000 euro, juolluduvvui: 82 000 euro

Buorre boahhteáigi (boazosámiid buresbirgen)

Ohcamuš: 140 000 euro, juolluduvvui: 70 000 euro

Bargguhis nuoraid bálkkáheapmái searvá

Ohcamuš: 30 000 euro, juolluduvvui: 28 000 euro

Nuortalaš vuorasolbmuid árgga doarjumii

Ohcamuš: 80 000 euro, juolluduvvui: 0 euro

Mokta: Vuohču guovllu sámi servoša oppalaš buresbirgejumi nannemii ja sámi vuorasolbmuid doaimmaide

Ohcamuš: 80 000 euro, juolluduvvui: 0 euro

Lassediedut: <http://avustukset.ray.fi/fi-fi/jarjesto/4295>

Ruhtaaautomáhtaovttastus RAY almmustahtii duorasdaga evttohusas boahhte jagi veahkkeruđain sode-suorggi servviide. Oktiibuot RAY juohká 309 miljovvna euro.

SámiSoster-searvi lei ohcan almmolaš doarjaga 285 000 euro ja oaččui 208 000 euro.

Almmolaš doarjaga lassin ruhtadeami ožžo Muihtoallat-, Buorre boahhteáigi-, Birgen ruovttus- ja Goaikkanas-proševttat sihke bargguhisnuoraid bálkkáheapmi searvvi oktasaččat ávkkálaš bargguide.

Guokte proševtta báhce ruhtádeami haga

SámiSoster-searvi Mokta-prošekta Vuohčus ii ožžon ruhtadeami RAY:s. Ruhtadeami haga báziid maid árgga doarjja vuorraset nuortalaččaide -bargu.

– Mis eai leat vejolašvuodát fidnet eará sájis ruhtadeami dákkár hommáide ja oppalahká searvvi ruhtadangálduid ii dieđe ovddalgihtii. Dákkár sosiála- ja dearvvašvuodasearvvi ruhtadangáldu lea dat Ruhtaaautomáhtaovttastus. Doppe boahotá dat ruhta mii boahotá ja diekkár smávit ruđaid, moadde 2 000-3 000 euro sturrosaš ruđaid, mii sáhttit oažžut gos nu eará sájis, muhto dakkár ruđaiguin dieđus dákkár stuorat proševttaid ii sáhtte gal jođihit, muitala Sámisoster-searvi doaimmajodiheaddji Juha Guttorm.

Proševttaid boahhteáigi ii leat čielggas

Vel ii leat diehtu, ahte álgetgo Mokta- ja nuortalašvuorasolbmuid proševttat boahttevuodas, muitala Guttorm.

– Dat mii guoská jagi 2016, nu in mun máhte vel dadjat, ahte makkár áigumušat dalle doppe leat. Dat lea searvvi stivrra hálddus de dat, ahte makkár áššiid dat vuoruha, dadjá Guttorm.

Olles RAY ruhtadanevttohus gávdno RAY siidduin.